

Surat khabar: Utusan Borneo (Tempatan)

Hari/Tarikh: 20/8/2016

Muka surat: 8

Tajuk : 23 peserta sertai bengkel kemahiran asas ICT

23 peserta sertai bengkel kemahiran asas ICT

SARIKEI: Seramai 23 peserta terdiri daripada ahli perniagaan, suri rumah dan golongan belia serta beliawanis dekat sini menyertai Bengkel Teknologi Maklumat (ICT) dan Keusahawanan untuk Komuniti Luar Bandar (ICT4RC) selama empat hari yang berakhir semalam.

Program ini adalah anjuran Fakulti Sains Komputer dan Teknologi Maklumat

(FSKTM) Universiti Malaysia Sarawak (UNIMAS) dengan kerjasama Kementerian Pemodenan Pertanian dan Ekonomi Luar Bandar di Pusat Internet 1Malaysia (PI1M) Kampung Seberang Sarikei.

Bengkel ini dikendalikan oleh pensyarah FSKTM, Nurfadzlan dan dibantu oleh Dr Mohamad Nazim dan Cik Amanda.

Objektif utama bengkel

ini diadakan adalah memberi kemahiran asas ICT dalam kalangan golongan sasar, khususnya kepada berminat menceburi bidang keusahawanan dan perniagaan dengan menggunakan kemudahan ICT untuk tujuan pemasaran dan promosi produk jualan mereka.

Dalam masa sama juga, melalui penganjuran bengkel ini, ia turut memberi peluang kepada para peserta untuk

mengembangkan capaian, bisnes mereka melalui platform laman sesawang 'Weebly' yang tengah popular pada masa kini.

Rata-rata peserta terlibat, bengkel menyifatkan ia suatu program bermanfaat khususnya sekali dalam usaha memantap serta mengembangkan bidang perniagaan yang mereka ceburi melalui kaedah ICT yang lebih berkesan dan pantas.



TAMBAH ILMU: Peserta Bengkel ICT4RC yang sudah tamat kursus bersama dengan sijil masing-masing.